



- **Pelegrinaje por l'Ann dla Misericordia:** desco belo lascé alessei vegnel organisé en **sabeda ai 22 d'otober** n iade por sanc dles ploanias d'La Pli y d'Al Plan a **Weissenstein**. Le bus peia ia da La Pli demez ales **7:30**. Do che an ará passé la Porta Santa, sarál ales 10:00 tal santuar da Weissenstein la santa messa. Dedô arán ince la poscibilité da marné. Le iade con le bus costa 13,00 €; prenotaziuns cina en vendres da misdê pa maestra Brigitte, ☎ 338 9316650.



enformaziuns y termins

Oraziun da Taizé: la proscima oraziun de Taizé ven tignida en vendres ai 21 d'otober ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Biblioteca: la biblioteca y le Zenter Families Mareo organiseia en jöbia ai 20 de otober ales 20:00, te biblioteca d'Al Plan na sera da s'la cunté por ingleje, con le tema "at the doctor".

Patrones de Mareo: l'isté é passé, l'altonn é sön porta; porchel junse a en dedolönesc ai 25 d'otober ales 19:30 fora en Onies a törggelen. Dötes les patrones é der bel enviades da gní a passé na sera deboriada con sontada generala. Da paie él 15,00 €; preitambel lascé alessei cina ai 19 d'otober a Verena, ☎ 3403455675.

Referat/1: le Consei de Formaziun da La Val met da jí en lönesc ai 24 d'otober, dales 20:00 - 21:30 tal pice salf de comun n referat con le dotur Marco Pizzinini "Esperionzes dlungia la mort".

Referat/2: l'Uniun di Seniores da San Martin y Antermeia envieia en domegna ai 23 de otober ales 11:00 tal picio salf dal Istitut Ladin a San Martin al referat „Ci n'él pa de mi scioldi, de mia ciasa do mia mort? Co pói pa ciaré che al ne vegnes nia fora stritarie, canche i ne sun nia plü?“, informaziuns sora la ierpejun y co fá n testamont, con l'avocatessa Manuela Obojes.

Gran batadú: le Museum Ladin Ciastel de Tor met da jí en domegna ai 23 d'otober adöm ala Uniun di Stödafüch n gran batadú. Ales 13:30 s'encunton tal museum por to sò les iscriziuns y fá la estraziun dai grups. Les iscriziuns ven ince tutes sò danfora, ☎ 339 7685970 (domisdé). Le batadú met man ales 14:00.

Döt le bun a:	Margarita Maria Pedevilla	* 17.10.1930
	Agnese Ellecosta ved. Erlacher	* 22.10.1923
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 Mhz**



Gran y da amiré é le Signur te sôa Dlijia

📖 1 Resc 8, 22–23,27–30 | 1 Pire 2, 4–9 | Jan 2, 13–22

Dal Vangelo do San Jan:

¹³La festa de Pasca dai iüdes ea dampró, y Gejù é jü sô lerúsalem. ¹⁴Tal templ ál urté i sciacri de armonc, biesces y colombes y i engiamiadus de scioldi, co ea sontés danlò. ⁵Do ch'al â fat na scoriada de cordes i ál paré düc fora dal templ adöm con les biesces y i armonc; i scioldi dai engiamiadus ál jüté fora, y sôes meses ál rosedé sotissora. ¹⁶Ai sciacri dales colombes ti ál dit: Jide demez con cösc patüc, ne stede a fá fora dla ciasa de mio Pere n salf da marcé. ¹⁷Sü discepu se recordâ dla parora dla Scritôra: La pasciun por mia ciasa mo consumeia. ¹⁸Sön cösta l'á i iüdes tut a cunt: Ci segno nes lásceste pa odei por desmostré che te pos fá cösc? ¹⁹Gejù ti á respognü: Tirede jö cösc templ, te trei dis le fajarái endô sô. ²⁰Danlò á dit i iüdes: Carantessis agn alalungia él gnü frabiché pa cösc templ, y tó ôs le fá sô te trei dis? ²¹Mo el minâ le templ de so corp. [...]

La potenza dl'oraziun

vangelo dla 29^a domegna ia por l'ann, 📖 Lc 18, 1–8

I ponsun do

Te nosta vita encuntunse gonot soferenza y meseria – te nosc enstesc o te nosc proscimo. Gonot ne sanse nia cô daidé. L'oraziun n'é nia n tru co porta atira na soluziun. Tl'oraziun portunse dant a Chelbeldio nüsc festidi y chi dles porsones encer nos ia; i odun le dolur tla lôm dla storia dla redenziun y dla ressureziun de Gejù. I emparun che ci che Chelbeldio nes scinca ne condüj mai ala roína. Tl'oraziun se afidunse a sôa potenza y a so amur.

I periu

Beldio, tó sas, de ci che i án debojügn. Deidese a ester porsones co preia, co met döta sôa speranza sön te y vir sôa vita te cösta fidonza. Por Crist, nosc Signur. Amen
Wilhelm Egger "Sonntagsbibel"

📖 Letôres dla 30. domegna ia por l'ann:


Sir 35, 15b–17.20–22a | 2 Tim 4, 6–8.16–18 | Lc 18, 9–14



Edema liturgica dai 16.10. ai 23.10.2016

DOM 16.	GRAN FESTA DLA CONSACRAZIUN DLA DLIJIA, Segra de düc	<i>Hedwig von Andechs, Gallus, Margareta Maria Alacoque, Sophie</i>
08:30	gran messa ciantada solena por dōta la ploania ♫ <i>Wolfram Menschick, "Missa alla settecento"</i> <i>offerta por la ploania</i> s.m. de daurida l'Edema dla Fede dl'Unité pastorala Val Badia	
10:00	<i>s.m. a Al Plan</i>	
Lön 17.	<i>Ignazio d'Antiochia, Anselmo, Gilbert</i>	
07:30	<i>s.m. a Al Plan</i>	
Ded 18.	fešta de San Lūca evangelist, Pire	
07:30	s.m. por + Isidoro Pedevilla, Brach y por + Maria Willeit, Balsan s.m. por +ti Trebo, Biei defora	
Dem 19.	<i>Jean de Brébeuf y Isaak Jogues, Paul dla Crusc</i>	
18:00	<i>s.m. a Al Plan</i>	
Jöb 20.	<i>Wendelin, Vitalis, Johanna</i>	
▶ 19:00	s.m. por +ti Siegfried Frontull (aniversar) y Berta Feichter, Janin s.m. por + Notburga Agreiter Pedit, Meghita s.m. por vis y +ti Erlacher, Cargá	
Ven 21.	<i>Ursula y compagnes, Himana</i>	
07:10	<i>s.m. a Al Plan</i>	
Sab 22.	<i>Sabeda de Santa Maria Jan Paul II°, Cordula, Salome</i>	
▶ 07:00	s.m. de ringraziamont dla fam. Adolf y Berta Feichter	
▶ 07:30	s.m. por +ti Jep, Genoveffa y signor Matio Rigo, Matlogn	
18:00	pelegrinaje a Weissenstein <i>s.m. prefestia a Al Plan</i>	
DOM 23.	30. domegna ia por l'ann DOMEGNA DLA DLIJIA UNIVERSALA FESTA DE IOLAN DAI FRÜC Y DLES GRAZIES	<i>Jan da Capestrano Severin, Iaco</i>
08:30	gran messa sonada de ringraziamont por dōta la ploania ♫ <i>La Musiga</i> <i>→ oferta por les Misciuns</i> adoraziun eucaristica de ringraziamont	
18:15	a Oies, s.m. de conclujiun dl'Edema dla Fede	
<i>ampola:</i>	<i>do intenziun</i>	
<i>ministronc:</i>	<i>▶ da doman y domegna: Denise Erlacher y Nadia Trebo</i> <i>▶ da sera y domegna: Anna Peslaly y Margit Brandlechner</i>	
<i>i recordun:</i>	<i>Siegfried Frontull + 19.10.2010</i>	

 La Dlijia é via



La Dlijia é via, deach'ara vir dal'abondanza dles scincundes dla grazia de Dio. Düc, chi co é bacés, é cherdés da sté ete con so carisma. N carisma é dagnora na scincunda por i atri, por che la Dlijia pói ensciö ademplí ennant sōa misciun.

Al é scincundes desvalies dla grazia, mo ma önn n Spirit.

Al é sorvisc desvalis, mo ma önn n Signur.

Al é forzes desvalies co opereia, mo ma önn n Dio:

Al opereia döt te döt.

A vignönn ti vegnel scinché la revelaziun dal Spirit, por ch'ara ti joi ai atri. (1 Corinc 12,4-7)

I periun: O Dio, tö opereies döt te döt. To Spirit nes á tut sō, tres le bato, tal corp dla Dlijia. I te dijun iolan por düc chi co se met al sorvisc con so carisma, sū talenc y sōes facultés y co ti dá ensciö ala vita dla Dlijia richeza y raiazium, credibilité y profundité. Dásse forza da dé, önn por l'ater y önn con l'ater, testimonianza de to amur co ne slüj fora degügn. Do cōsc periunse por Gejú Crist, nosc redentur y salvatur, co vir y regneia con te y con le Spirit Sant por dōta l'eternité.

Gotteslob 678.1

Le Credo cunté ai mituns (8)



Gejú Crist ... Le terzo de él rosseri; al é jü al Ci, olách'al sta a man derta de Dio, Pere onipotent

La creta de Gejú te Chelbeldio é stada plü sterscia co la mort. La mort n'á nia rot le liam de Geju con Chelbeldio, so Pere. Geju é rosserí. Dōta la scürité, le senn, döt le dolur y dōta la tristeza ará en iade na fin. Deache Geju á davagné cuntra la mort. La mort é morta y la vita vir. Cōsc festejunse en Pasca.



Edema dla Fede, 16 – 23 d'otober: "La fede mo dá ligreza?!"

<i>lönesc,</i>	17	20:00, La Ila , scora mesana mesa torona: La fede mo dá ligreza?! porsones porta dant sōes esperionzes
<i>dedol.,</i>	18	20:00, San Ciascian , salf "A. Rina", referat de P. Josef Hollweck
<i>dedem.,</i>	19	20:00, La Val , dljia, Espi da festa con le cor de dljia
<i>jöbia,</i>	20	20:00, Al Plan , salf dles manifestaziuns, sera con le vesco Ivo Muser "Le Vangelo de Gejú Crist, fontana de ligreza o de tema?"
<i>vendres,</i>	21	20:30, Corvara , dljia, Festa dla Fede con i jogn:
<i>sabeda,</i>	21	09:30 - 12:00, San Martin , palestra, festa dai cresimanc y cresimés
<i>domegna,</i>	23	Badia , festa de conclujiun sō Oies: 17:30, prozesciun con cianderes da Badia a Oies 18:15, a Oies , santa messa con le cor de dljia da Lungiarü.